



洪翼靖奏藁 十中

財賦類
詳定

カ 1
3481
14

共十八



力 1
3481
14

標
5103
18-14

御定洪翼靖公奏藁卷之二十七目錄



財賦類 十三

詳定

御定洪翼靖公奏藁 卷二十七 目錄



御定洪翼靖公奏藁卷之二十七

財賦類 十三

詳定第十六

御製引

海西關東湖西關北皆有所謂詳定者蓋海西純用大同而并舉上納與畱置焉關東湖西關北亦行大同而關東略舉上納詳舉畱置焉湖西只舉畱置關北只舉上納焉海西則上納與畱置俱弊關東則上納之弊少畱置之弊多湖西則畱置弊關北則上納弊故隨其弊而抹之一皆主於民國俱利同而異異

而不同歸於大同而或源或委也生弊之所以然揀
弊之所以然筵奏與節目在瞭如指掌而竊觀有司
之臣凡所以爲民國矯揉變通者朝奏而夕不便昨
行而今旋寢鮮有支吾牽補過數年者今公所釐改
四道詳定遠則殆五十年近亦不下三十年而別無
以生弊告者豈不美哉雜役減斗之加劃洪州厚官
廩也宮房免稅之勿定關東軫蓼弊也兩南布之互
換江原廳贍國用也北邑布之一遵前上納恤民隱
也而最是甲戌筵席公有損上之奏而自上益之
以益下二言大哉王言與三代同其盛矣

自甲戌至癸未凡十三條

湖西
詳定

甲戌春湖西伯趙明鼎奏曰湖西各邑雜役條自均
廳刪定之數其所不足爲二千九百二十四石零
下詢均堂使之急速稟處爲好矣公均堂奏曰癸酉
所收比詳定如是不足則道臣之請其加劃不無所
據而蓋此詳定雖曰便民從前廟議以爲外邑雜役
條之自朝家年年勾管有傷事體欲爲酌定添給
之數使之勿論豐凶年年遵行不復關由於朝家
矣今年實結雖爲減縮若逢稍稔自當有餘若以常
賑等穀折米千餘石劃給爲一定之規則折長補短

可以支過何可必準今年不足之數而區劃乎明鼎
曰有司之臣雖以節省爲主而此本是均廳之所酌
定者今又直行刪削勒令減給則本來疲殘之列邑
又無成樣之望特許準給斷不可已矣公曰臣之本
意非有惜於數千石穀物所守者事體也道臣雖以
詳定爲言而臣意不然所謂詳定之數卽二萬六千
七百石矣辛未所收二萬五千一百石比詳定不足
爲一千六百石而所劃給結錢多至九千兩壬申所
收二萬七千四百石比詳定反加七百石而又加給
錢三千兩本廳之數外加給固未免不察而本道亦

不可謂遵守詳定矣有餘則不守詳定不足則欲守
詳定者事甚無謂今若逐年贏縮輒許準補則辛未
壬申條比詳定添給之數令道臣查出然後始可議
其加劃矣明鼎曰均廳之刪削多至一千五百石兩
年條加劃者似不過添給列邑之切急者而已到今
查得去處使之還實恐亦大損於朝體決不可爲矣
上曰此詳定不過守令官用則不可推上於朝而前
前道臣李益輔所請意在爲民而旣行數年之後寢
其令使爲守令者若或加捧一升是罔民也今聞新
伯所奏大悟此結出也依當初所定之數一從豐歉

豐則會錄歛則充結而以會錄者補來年之或歛不足者而補猶不足則均廳以儲置米常賑穀中從便充給而其代以均廳錢還報事定式舉行今聞辛未條過報壬申條有餘而請得非當初狀聞之意其在懲後之道不可不嚴處令該廳行查本道後稟處其夏公均堂奏曰湖西詳定不足之數海西諸邑隱結之代既以儲置與常賑穀充給其代當自均廳還報而自京廳盡報亦甚難處以本廳各道軍作米會錄穀耗條推移區劃似好矣 上曰可公曰湖西詳定雜役價勿論豐歛一例上下甚無義依大同例減分

定式為宜矣 上曰可乙亥冬公均堂奏曰均廳勾管湖西詳定若值災年則依惠廳各樣價米災減例八分二減分事曾已定奪矣當此災年各道價米惠廳今方災減而至於詳定則當初磨鍊本甚精簡不可多減特減十分之二以為支用之地好矣 上曰可

辛巳秋公領相奏曰湖西伯具允明狀達以為昨年春間以公州洪州忠原等三邑雜役米減斗後詳定不足代加劃事狀請而洪州則特許加劃公州忠原獨未蒙一視之澤蓋此兩邑以孔途劇邑凡百策應

百倍於洪依前狀請叅酌加劃事為請矣洪州之年
前加劃以其邑力之莫可收拾故也公忠兩邑形勢
猶不至如洪州之渴急則加劃一欵不可輕議今姑
置之似好矣 小朝曰可至癸未冬承旨金華鎮讀
湖西伯狀啓 上曰何如耶公領相奏曰公州補役
廳事勢誠如道臣狀聞臣則常謂湖南之全州湖西
之公州不可不顧念而 朝家亦何以生出物力以
抹其弊耶本州事誠有殆哉之慮道臣既已論啓到
今抹弊勢不容已向來本道各邑詳定磨鍊後忠州
公州洪州三邑每言其不足之弊前後道臣輒以此

事狀聞洪州則自 朝家加給四百石臣於其時雖
帶該堂適不登筵未及爭難而若其加給之數常知
其太過矣論其難支之狀則公未必讓於洪洪何厚
而公何薄乎今以過給洪州者量宜分給公州則可
無從前斑駁之歎亦有目下變通之效矣 上曰所
陳是矣而遠外便否難知以此更問于本道道臣稟
處公曰本州虛錄米每年還報條以本州形勢必難
辦出而今此狀啓中雖有舉論此則宜有弛張一年
條今姑安徐好矣 上曰可明年春公領相又奏曰
頃因湖西狀聞公州詳定不足之數以洪州曾前過

德濟堂卷之三十一
給之四百石米量宜分給之便否有更問道臣後稟處之 命矣即見忠清前道臣李思觀狀啓則以爲公洪兩邑形勢無甚異同而當初洪州加劃既不夥多今若分割全無加給則洪州之凋弊如前公州之添補無多以洪州米四百石中一百石移給詳定米二百石別爲添劃俾準三百石爲請矣公州形勢在所顧恤而洪州米條旣難多劃均廳財力不可更犯諸議皆以爲無寧以雙樹山城餉耗量宜直劃之爲便云此亦有所見矣本城餉米今雖減縮多則病民略刪無妨本耗五分一自前劃給公州矣自今以後

又一分劃給本州使之支用公州之弊今旣矯抹則一體之忠州不宜異視洪州前給之米決知其太過雖無此變通不可不參酌還罷元數四百石內一百石移劃忠州使三州咸蒙均視之澤似好矣 上曰可

海西
詳定

乙亥秋公兵判奏曰海西各項定稅極爲錯亂不可不趁速釐正而大抵暫時往來之釐正使不如按道之監司且時任監司凡事周詳使之往復均廳卽爲釐正好矣 上曰可戊寅夏公惠堂奏曰海西詳定今旣釐正從當成事目啓下而其中有不可不稟定

者監營需米已丑詳定一千五百石比他道固已優多而庚子分供時加給三百六十石其中一百石以都事支供計除其餘二百六十石甲辰還減矣癸丑一百八十石又爲加劃都事支供米雖難還減癸丑加劃一百八十石減罷兵營需米已丑詳定六百石比三南已加百石而次次增加之數至於一百六十石此亦一從已丑詳定減定水營需米五百十石比他道雖多既兼瓮津府使似當稍別只減零數十石海州支供米本爲二百二十石而加給之數至於一百三十二石零雖營下大邑比他間路諸邑未免過

多以三百石參酌減定黃州支供米二百二十石今加一百七十石金川支供米一百八十石今加一百九十石兩邑以直路頭站其所支放比他邑雖繁增加之數未免太多而兩邑之中亦有參差者并以三百六十石劃給平山瑞興鳳山支供米并皆一百七十五石而中間加給鳳山一百石平山九十石瑞興二十石矣同是直路而其所加給如是不一到今釐正之時均一爲宜三邑支供米俱以二百石定給而瑞興官需比平鳳加二十七石此數則減去中邑官需紙價已丑皆以三百十五石爲定而其中遂安則

後漢書卷之五 卷三
以二百七十石劃給其時雖有酌量而該邑既置中
邑則不可異同以中邑例磨鍊劃給諸般復戶極其
猥雜且或斑駁故自本廳可以直斷者就其尤甚直
爲釐正至於三驛給復已丑以後所加殆近千結此
蓋出於驛站凋殘立馬加數之致到今馬戶所給則
猝難釐正而至於屬之官用者不但其數之太濫且
其名目率多猥屑或稱貿易復或稱衣資復或稱饌
物復紙地復柴炭復甚至有生雉復石魚復馬鐵復
事之屑越莫甚於此此無異於守令餘結之私用所
當全數減罷而直路驛站亦不可不軫念各樣猥屑

名色則皆減去更以官需復爲名三驛合七十結劃
給使道臣量其驛役之苦歇叅酌分劃中江開市雜
物價既以詳定米折價上下則觀市後清貨雜物所
當毋論多少發賣還錄本庫而自營門任自需用於
他條極爲不當故曾已筵稟嚴飭而終不舉行事甚
未安此後則依定奪還錄之意載錄於事目中勅使
時兵營例有贈給銀而自前兵使專當策應其價米
八百八十餘石二周瓜限內若有再勅三勅則有難
支之慮故瓜期內一勅則兵營當之一勅則詳定上
下事中間變通矣今則毋論一勅再勅全無所出而

德安縣志卷之三十一
只欲責出於詳定事極不當論其分數則每年四百四十石當爲二周內一勅擔當之數而兵營物力頗凋殘不可無參酌之道每年銀子一百兩式會錄勅需庫以爲前頭補用於贈給之地海西詳定用下中最多者勅使飯捧茶啖之價而每當勅行分劃各邑以米作錢之際輒患苟艱若值年豐則勒賣民間爲弊不貲故因監營論報備局各邑勅需米預爲分劃使之立本取剩以用事節目成置而此亦有不一之慮大邑二十結中邑十五結小殘邑十結式定給名之以勅需復而以其所捧全數會錄於勅需庫以爲

補用之地監兵營所用藥材三南則皆以營需中取辦元無別爲劃給之物海西則以詳定上下固已不當而其數亦甚過濫監營則至於四百五十餘石兵營亦至二百七十餘石雖不可一例減削亦不可不酌量監營則三百石兵營則一百五十石減定諸上司藥材及鋪陳價已丑節目中皆以小米上下而其時小米一石價四兩一錢零定式矣乙丑年因米價之低下大小米折價皆爲減定則當以減定之價上納而怯於上司威令以曾前大米一石價五兩小米一石價四兩一錢零上納極爲不當一依前定式小

米一石價錢三兩五錢式輸送之意申飭戶曹貢物條所捧之米當初則每結五斗而已丑節目減二斗只捧三斗三斗之米若不足於貢物條則以詳定米充給事定式矣戶曹惠廳文書各異本道加劃之時亦多有紊亂之弊此後則戶曹貢物條每結三斗所捧之數自京廳分割各邑使之納于戶曹而其中不足之數以京廳海西所捧小米移送該曹海西詳定與三南大同無異而各軍門及南漢江都不有節目本意如雉羽弓槩木鐵等雜種卜定取用實爲難堪之弊此後則毋得卜定之意定式京外木價一疋代

錢二兩自是通行之定式而海西則詳定解用之際木一疋價錢輒以三兩計之此甚無義今後則以二兩定式爲好矣 上曰并依所奏施行公曰京砲手他道無給復之事而海西獨有之非但斑駁此是自軍門或定資保或給奉足而元非以結役給復者似當減罷而載於續典何以爲之乎 上曰此則存之可也

海西改詳定事目

本道己丑詳定後自多變易法久弊生筵稟定奪改成節目○海西詳定便同三南大同則當初一

德澤堂書卷之三十一
結所捧多至四五十斗者雖出於需用不足之慮終有違於南西均齊之政故已丑改詳定時量宜減捧至於乙丑始以十二斗裁定則營邑需米諸般需用所當依三南例施行而事多掣碍姑難輕議雖以已丑以後弊端言之京外有司之臣多不致意於啓下事目需米等公用種種加請次次濫劃各樣雜定隨以過濫前日一石需用者今至五六石此蓋用下憑考之際巡營則一任各邑本廳則只從本邑無所檢飭便成謬規莫重國穀漸益耗損今則一年所捧不能當一年所下勢將至於

民間加賦之境故就已丑事目參互三南事例往復本道更爲磨鍊營邑需米量宜增損大小用下倣舊酌定此後分定之法會減之規一從三南例一一勾管於京廳毋得自巡營擅許如是立法後若不遵行自本廳草記論責○自監營每歲歲末各邑時起田畝各樣免稅復戶一一區別成冊牒報自本廳出米磨鍊等事一依三南大同例本道一年支放及儲置上納條量宜區劃○結役式例邑各不同所當一例齊定而從前邑規粹難變通詳定米山郡谷山平山金川等邑畝捧大米田捧

復定... 卷三
小米沿邑延安白川勿論田畝純捧大米海州豐
川長淵載寧信川安岳文化松禾長連殷栗瓮津
康翎等邑畝捧大米田捧小米大小米參半○衙
祿公須位田畝依三南大同例詳定別收米兩條
一體出賦○道內各樣復戶皆以旱田劃給而海
州鳳山等邑之以水田劃給事涉斑駁此後一井
旱田中給復水田時起中切勿舉論○各樣給復
之際各其司不由本廳任意許復或不無虛實相
蒙之弊內官復醫女復牽馬陪復等復自其司例
報本廳近或廢閣至於忠孝節義人及驛屬禮兵

曹專不關由於本廳直爲行關於本道故許減之
際虛疎莫甚此後各樣復戶一一報本廳行關後
始爲舉行各邑無常出入之復自某邑某復幾結
移定於某邑每年形止牒報後舉行○各樣復戶
及訓局禁營御營守禦巡營管餉水營文城蒜山
等屯田彰義宮於義宮田畝詳定條區別勿捧權
復則別收米條依例出稅○大邑四海州安岳延
安黃州中邑七瑞興平山載寧信川白川遂安鳳
山小邑八金川谷山豐川文化松禾殷栗新溪長
淵殘邑四長連兎山康翎瓮津分四等○詳定大

米一石價四兩五錢小米一石價三兩五錢依乙丑定式施行木一疋代錢二兩自是京外通行之法獨於海西詳定解用之際木一疋價錢輒以三兩折計者極涉無義今後以二兩定式○戶曹貢物價米每結收捧五斗而已丑詳定時減二斗只捧三斗其不足之代以詳定米給代充數而給代分定之時其所冒減逐年無節亦無以自本廳照管此後通一道每結三斗所捧元數先爲都計後又量各邑詳定捧下足不足推移分排俾納戶曹三斗外不足之代以本廳所捧田米自京移送○

內局月令進上藥材價依前會減而作紙木未免過多內局作紙木二同十七疋審藥作紙木一同四十二疋叅酌減定戊辰辛未加定監兵營進上藥材價及雜物價一從本院所捧磨鍊載錄於都式例依此會減○監營進上墨及承文院所送墨價米一百四十二石十四斗五升七合四夕依已丑定式會減墨進上與關西間一朔輪回封進則閏朔墨本道不必每每當次此後閏朔墨進上當次價米二十三石十二斗四升二合九夕會減○三名日箋文封裹雜物價并每度米三石會減○

司宰監納卵鹽石首魚價米四百四石依前會減
○內弓房納雉羽三千箇價米四石尙衣院納雉
羽一千六百箇價米二石二斗訓局納弓槩木高
佐木價米十八石自是元卜定依例會減○議政
府中樞府耆老所藥材價米各三十石敦寧府都
摠府鋪陳價米各五石依數會減諸上司藥材鋪
陳價已丑節目中皆以小米上下而乙丑年大小
米折價皆爲減定則藥材鋪陳價亦當以小米價
減定之數捧納上司前旣責以大米之直今又不
從已丑折價而其數不一此亦不可不申明朝令

依已丑定式以小米一石價錢三兩五錢計其元
定石數折定上納○船價黃州鳳山載寧安岳長
連殷栗每石三斗豐川每石二斗一升四合三夕
信川文化每石二斗五升松禾兔山每石二斗長
淵瓮津康翎海州金川平山白川延安每石一斗
五升依前規施行上納皆捧畱海倉直爲裝載出
浦馱價勿論○人夫及刷馬三十里爲一息人夫
一斗卜馬二斗五升騎馬二斗依前會減○社稷
祭春秋并每邑幣價米一石五斗脯鹽等價米十
斗釋奠祭春秋并每邑幣價米三石五斗牛脯價

米八石祭物價米州牧七石府郡六石縣四石十
斗海州黃州延安長淵瓮津等五處燾祭春秋并
每邑幣價米十斗脯鹽等價米九斗賜額書院春
秋并每位幣價米十斗脯鹽等價米十斗城隍厲
祭并散告祭每年三次每邑脯鹽等價米十二斗
岳海瀆祭春兩次秋一次海州牛耳山祭春米九
斗二升四合秋米四斗六升二合豐川西海祭春
米七斗五升秋米三斗七升五合長淵長山串祭
春米四斗二升九合秋米二斗一升四合五夕長
連松串祭春米七斗一升秋米三斗五升五合文

化三聖祠九月山神并祭春秋并米三石八斗九
升安岳省草桃串祭春秋并幣價米一石五斗脯
鹽等價米四斗二升祈雨祭每邑幣價米五斗脯
鹽等價米四斗祈晴祭每邑幣價米五斗脯鹽等
價米四斗別城隍厲祭每邑脯鹽等價米四斗中
央祭祭物價米七斗鄉校移還安祭每祭祭物價
米二石七斗酌定○各邑月課米大邑十二石中
邑八石小邑四石殘邑二石依前劃給○水軍各
鎮別將三山城召募別將料米五百六十四石刺
雲別將料米六十石依例會減瞭望代將料米十

四石六斗搜討將料米二石六斗風和六朔則延
坪睡鴨兩處烽臺監官料米五石九斗每年七朔
則每人每朔六斗各邑防船直料米二十八石十
二斗直路五邑七站館直料米八十石各山城軍
器守直役價米五十一石會減○直路五站立馬
二百五十匹料米一千二百五石別將料米九十
五石以各其站在官詳定米中上下勿爲分定於
他邑○監營入防牙兵料米三百石○傳關與報
狀役價谷山二十七石黃州金川二十五石瓮津
二十三石平山瑞興豐川新溪遂安各二十石安

岳延安鳳山長淵各十七石信川載寧白川松禾
各十六石文化殷栗長連兔山各十五石康翎十
四石定式○監營主人役價黃州谷山各二十五
石遂安二十三石安岳平山信川載寧瑞興新溪
康翎各二十石延安十八石鳳山白川金川豐川
松禾文化長淵殷栗長連康翎各七石統禦營主
人役價瓮津十七石延安六石金川白川平山各
二石鎮撫營主人役價延安六石白川四石○各
邑京主人役價海州黃州各五十石安岳延安鳳
山信川載寧各三十七石白川瑞興遂安谷山豐

川長淵瓮津各三十石平山金川松禾文化殷粟
新溪長連兔山康翎各二十五石閏朔役價海州
黃州各四石二斗五升安岳延安鳳山載寧信川
各三石一斗二升五合白川瑞興遂安長淵谷山
豐川瓮津各二石七斗五升平山金川文化松禾
殷粟新溪兔山長連康翎各二石一斗二升五合
○監營中江開市後清貨價銀四百八兩使之補
用於後等開市自是定式近來本營稱以武士賞
格中間消融極爲不當今年秋開市米一千一百
十三石零上下觀市後清貨價錢四百兩零數會

錄於該庫次次添補於後開市所用已卯春開市
爲始雜物價米元數中一百十五石減數上下管
餉開市自監營依例自備舉行○赴燕使臣路需
價米二百三十六石○平安道年例入送歲幣驅
軍木二同三十二疋半內兵營一同十六疋以畱
布備送監營一同十六疋半依前以詳定會減○
赴京驛子五名每名米四石馬每匹米五石十斗
定式而驛子名數馬匹數每行不一隨其赴京實
數報本廳施行○通信使求請價米二百三十六
石及鷹連十二座價米二十四石白斂五斤價米

一石隨其卜定上下鷹連輸送東萊時負持價米
計程上下○漂海人糧饌回糧及物故人棺槨等
價隨所入上下○監兵營狀啓封裹雜物價每年
監營二十八石四斗三升四合兵營九石一斗○
長湍以東刷馬價一年上下至於七百餘石已極
太過而且長湍以東本是畿邑所當之役自海西
上下亦無義意此後本道與關西兩道進上及某
樣物之以刷馬替運者載送時某邑某進上某樣
物幾許某月某日載運於某京司自平金兩邑成
給帖文到付於京畿頭站長湍反貼來納於京廳

以爲憑考上下各司上納木錢載運馱價勿以詳
定會減上納元數中計給事定式○分養馬四十
九匹每匹裝木二疋代錢四兩作木半疋代錢一
兩勒所價米二斗牽軍每息米一斗依例會減故
失贖木三十疋內折半十五疋代錢三十兩以詳
定米上下折半十五疋依例自本官擔當○戶籍
紙地筆墨及封裹諸具雜費等各其大中小民戶
分等收捧○各司奴婢推刷案及收貢案紙地筆
墨奴婢處捧用封裹雜物馱價以詳定米上下○
戶曹上送蘆簾一浮所入蘆草價米二斗六升九

德安府志卷之三
合五夕邊竹二箇價米四升細繩二斤價米四斗
○各邑防船海州豐川各二隻延安殷栗長連白
川安岳康翎瓮津長淵各一隻合十二隻津船平
山猪灘延安猪灘白川猪灘碧瀾渡金川龍津烏
灘載寧栗串唐灘新溪沙涯川各一隻合三隻并
三年改槳九年改造改槳價米防船十六石十一
斗二升五合津船二石水漲船一石改造價米則
防船五十石津船六石水漲船三石追捕船海州
黑頭浦豐川唐館浦瓮津諸作浦葛項浦長淵快
奄浦舞龍浦各一隻白翎防守船兼追捕一隻合

七隻三年改槳價米五石十二斗改造價米十石
助泥椒島兩津防船改槳改造依前以水營留穀
上下安岳延津之船既有位田三結五十負改造
等物力不必舉論防船之限滿退出者依例發賣
補用於新造船什物一隻價米定以十五石○文
科東堂時所入價米二十六石監試時所入價米
十石而式科以十石爲定○各邑守令因公幹道
內往來時刷馬經宿以下則二匹因公上京四日
程以下給三匹五日程以上給四匹覲親掃墳試
暇等諸受由時各給二匹○監司兼牧迎送夫馬

二十五匹守令新舊官迎送夫馬州府二十四匹郡
縣十五匹爲定新迎刷馬加給畱京糧五斗○監
司已喪需米三十五石兵使已喪需米二十石依
法典上下水使喪需米既兼瓮津府使則不必別
爲磨鍊守令在任時喪出者及奉偏親喪出任所
者需米三十五石妻喪在任所者比已喪減半上
下○監司先生致賻已喪鐵物價米三石六斗木
二十疋親喪妻喪鐵物價米各三石六斗木各十
疋兵使先生致賻已喪親喪妻喪鐵物價米各一
石四斗五升都事先生致賻已喪鐵物價米各一

石四斗五升木五疋親喪妻喪鐵物價米各一石
四斗五升木三疋以大小米上下○習操後各邑
犒饋價米每名五升水操時代將以下軍器監官
犒饋監官旗牌官各一人左右捕盜官二人沙工
船直繚手舞上碇手船匠各一人糧米每名三升
隨其日數上下○凡持草料公行者依已丑事目
以支供米供饋所騎刷馬一匹依前上下

已卯夏因海伯狀啓詳定餘米除置本道事自上
下詢公備堂奏曰海西詳定與三南大同同也左相
李時爲惠堂時臣與之消詳成節目啓下頒布體段嚴

重與前大異至於勅需若不足請其加留可也而今若上納數外除留本道可支數勅則道臣之藉此爲說不欲其比前加上納誠莫知其何意也蓋海西不念詳定之爲惟正當年所捧不爲動念或有拖至翌年此誠各邑痼弊道臣正宜嚴飭不宜過慮其京納之或加且所請支勅用下既係惠廳則足不足乃惠廳之責道臣意見之先及於此不可曉矣 上曰專由於守令不欲上送之致也分付道臣嚴查啓聞後該守令令該府重勘從當送繡衣廉探也癸未冬公

領相時

奏曰海西經勅行則例以詳定穀劃給後勅之

需而聞惠堂李益輔之言則詳定因今年京運更無餘儲欲以管餉米太推移劃給云事到窮處當有變通管餉小米二千石太三千石特爲劃添於詳定使惠廳區劃勅需似好矣 上曰可

關東詳定

甲戌春公

均堂時

奏曰聞江原道詳定所劃留者邑邑

不同致有加徵一結所收多至於數三十兩比他道或倍或三倍蓋未及量田故亦能至今支當而其爲民弊誠甚矜惻今承 成命當與大臣商確處之而若其救弊之道宜用損上之政矣 上曰損上益下自是王政何拘之有乎秋公

備堂時

奏曰關東詳定今

後漢書卷之三十一
當變通而其中方物進上及各司上納并與輸價雜費而計之則當爲萬餘兩又劃還耗三千石以補蓼價京納中歲幣布移定鷹連價襦衣價太作木減給或給代至於三名日方物各種及內弓房弓槩木弦絲筋羽自京作貢而其區劃大小米木錢布以錢折計當爲三千五百餘兩可減三分之一本廳歲入足可策應而但錢儲不足以十數同布換用均廳錢則兩廳俱便以此設施似好矣 上曰可公曰今此關東釐正中可以減給者可以給代者從便釐正而訓局弓槩木及雉羽不必作貢優定其價本自京廳直

下本局議政府中樞府耆老所求請及出疆使臣求請嶺南雜物價自京廳直送至於筆債等不緊名色之類一併革罷松都支勅時關東扶助錢亦爲革罷以大興倉還耗臨時代給好矣 上曰可公曰關東田結本少各宮房各衙門多定免稅則此後蓼價將致漸縮前此已定之免稅雖不可移定此後各處免稅無得定給於關東事定式似好矣 上曰可公曰關東田結異於他道一結幾爲他道五六結故田稅大同條外又有詳定條以防大小民役而原州橫城洪川守禦屯田則田稅納於戶曹大同條詳定條並

後漢書卷之八十一 卷二十一
屬該廳云出田稅而免詳定未知其由且本廳屯監
執卜之時惟意加減貽弊多端云今於釐正結役及
麥價之時宜先變通以除民弊况本道禁營不捧詳
定條云同是軍門不可斑駁今後則守禦屯田自本
官眼同執卜詳定條依禁營例仍屬本道補麥庫之
麥價計減於該廳上納事定式似好矣 上曰可公
曰巡營補麥庫專爲各邑麥價添補而設也其所自
當之麥爲一百三十兩前則以續結所出及各等別
備錢給債取息僅僅充給矣今番釐正後麥價比前
增加故又以巡營財力三千餘兩盡數移劃其所不

足猶爲不貲其勢不得不加債息利 御供體重則
營財盡割有不足恤而息利充價極爲苟艱且關民
弊故今方從便變通限其取利之數充給而此後補
麥庫給債一欵嚴立科條永爲防塞宜矣 上可之

江原道大同詳定節目撮要

關東結役日增民不支堪若不及時變通實有無
限深慮蓋本道田結則田稅大同條外又有詳定
與麥供而猶能責應者以其執結之本來輕歇故
也近年麥價高蹇不得不加徵於民結且詳定
朝家不爲照管而六斗畱置劃給一任本官不問

出入有餘而無所儲蓄不足則惟意加斂目下救
弊之道一則出賦稍均一則蓼價補給一則詳定
改釐也然各邑田政紊亂邑規不同改釐之前決
難施以一統之規無寧仍舊裁定以究實惠之爲
穩當謹奉 聖教往復本道計結役大數而逐邑
遞減減京納各種而從長區劃量公私需用而略
加損益作爲邑摠以便舉行○各邑結役隨其高
歇分等減給則都合錢二千四百三十三兩布十
二同十九疋大米二百二十七石田米五百八十
七石租七百三十七石太九十一石小豆八石真

荏八石清蜜一石五斗今此所減多少自有商量
雖小減之邑亦可相當於均廳結錢之數每結所
減分數載錄於邑摠之首田稅三手米結錢有定
數初不舉論只以大同詳定條筭計載錄此外雖
一分錢一升米毋得擅自加減○各樣京上納一
萬餘兩新劃常賑耗前劃帖別備耗穀作錢合四
千九十餘兩除番錢三千七百六十餘兩都合一
萬七千八百五十餘兩特爲劃給本道六千餘兩
防給蓼價其餘則或補結役或添詳定與營邑需
○人蓼乃是土貢而其價歲增不可使蓼商稱冤

又不可使民役加出裁量折衷一兩價定以六十兩又加三兩俾補京外雜費○各邑人蔘分定多少本自不均以致詳定足不足之不一也今若改定人蔘分排數爰則詳定亦當均齊矣久遠之規猝難更張此後詳定或有移劃之事專由於當初分排之不均也實非割此與彼也各邑守令若或不究其事實徒事爭難則道臣狀聞論罪○元蔘一兩外例捧一錢除出一半添助補蔘庫軍需蔘二斤五兩八分價則依前以四十五兩爲定而一斤以蔘備納營門其餘一斤五兩八分內三分二

以價錢劃給補蔘庫三分一價錢仍給該邑以補蔘役醫生蔘則依軍需蔘例折價四十五兩而亦依前規三分二以價錢出給醫生三分一價出給蔘商以補蔘價不足○補蔘庫息利條自今革罷其代錢一千兩劃給未量各邑六斗餘米之移補軍需條還付各邑其代錢五百兩劃給營需一千兩別爲劃給營門各樣分定於各邑之規又爲革罷其代以錢磨鍊藥材紙地雜物等價二千五百兩營吏糧饌價五百七十一兩從優劃給右項錢合五千五百七十一兩以詳定有裕各邑鷹連歲

幣太作布等捧留者及 朝家所劃還耗作錢充
給春川原州兩邑蔘價不足之代亦當從便區處
春川則以還耗作錢者劃給又以該邑大同條加
數除給本府所納營需米量宜劃給營需米則移
定他邑原州則專以耗穀作錢充給○本道田政
異於他道大體言之田雖大而執卜小故結雖少
而出役反多今以詳定名色傍照三南則有若邑
大同雜役條而特以田政之不明無論大同詳定
並計用下今若改量田結明定實結摠數則大同
所捧自然倍多可無需用不足詳定混下之弊而

累百年舊規有難一朝更張以致許多騷擾之患
不得不一依本道舊規本道之內不得不各依邑
規從便釐革大同與詳定一體勾管於京廳需用
之際條件宜有稍別大同條只爲磨鍊上納與留
置詳定條用下於蔘價及公私諸需如或不足則
以留置條繼用○嶺西未量邑則大同十六斗已
量邑則十二斗嶺東已量邑則十四斗而每邑留
置六斗使之需用雖是前規今後則留置之數不
必定以六斗詳定不足則留置六斗外又爲加留
詳定有餘則上納當有加此則自本廳臨時區劃

必使上納毋得過加畱置務從優多或有意外別役則以他邑畱置者依三南例移劃○今以足不足叩筭者言之畱置有餘而上納雖加當不過一二斗畱置不足而上納雖減亦不出一二斗設使畱置所餘甚多上納則無犯於大同元數之外而又使畱置雖甚不足大同則決不可全無上納如此之時自本廳從便區劃○大同畱置多少只觀詳定之足不足上納多少又觀畱置之足不足則上納與畱置自當迭相多少逐歲不同此後則大同上納條與畱置條勿爲分錄待本廳收租案頒

降上納者勿論多少謂之大同畱置者勿論多少謂之畱置○各邑用下中逐年應下者無容更議所謂間年條者乃是一二年一下者或五六年七八年一下者及無時上下難以恆定者若以一年一下樣通同合計執其影數畱其五分四則足可支用而有餘初年則依此數畱置前頭則上納與畱置每計用下之多少輒定新劃之加減俾準四五畱置之數○當初詳定與畱置條付之本官通融用下而其法甚紊曰有餘曰不足巡營與上司無以憑考自今爲始略倣三南事目一年用下一

從新定式施行而每年歲末卽爲修報會案於本廳以爲磨勘之地○各邑官需量其豐薄分等加給鐵原錢三百兩伊川錢二百八十兩杆城大米九十六石錢二百兩襄陽大米九十一石錢一百五十兩歙谷大米五十三石錢一百五十兩高城大米五十二石錢二百兩蔚珍租一百石錢二百二十五兩通川大米七十二石田米十石錢一百兩江陵大米六十一石錢二百兩旌善錢一百兩平昌錢一百四十兩楊口錢八十兩三陟錢二百兩淮陽錢一百兩金化錢一百兩狼川錢一百兩

麟蹄錢一百兩平康錢一百兩平海大米八十石特爲劃給○詳定旣釐正官需又優給則各邑需用當足此後 朝家所劃官需及衙祿所捧外官廳雜用分定民結之弊一切痛禁犯者繩以重律○春秋釋奠祭幣帛祭物紙燭筆墨價州府七十兩郡六十兩縣四十兩鄉校移安告由祭州府二十兩郡十五兩縣十兩磨鍊原州江陵兩邑各樣祭需依太學例施行比他加磨鍊○社稷祭祭物黃燭等價米一石五斗筆墨價三錢 賜額書院祭物幣燭價錢三兩二錢筆墨價錢三錢春秋城

禮記卷之三十一
隍厲祭三巡祭物燭價錢二兩五錢筆墨價錢四錢五分○祈雨祭所入例以元會付會減或有自官廳上下邑事體未安此後并元會付會減○祭享時所用猪口價本依他道例以元會付上下雌雄猪各一口以元會穀買畜孳產取用詳定中勿爲會減而原州雉岳山襄陽東海廟祭需所用猪羔以本邑所在者取用他邑分定之規革罷○箋文一度封裹雜物作木所入并米三石十斗磨鍊奉陪儒生所騎馬一匹負持一名題給其中無責應者則一依前規施行○各邑軍兵試射後賞格

貫一中木五尺邊一中木三尺砲貫一中木四尺邊一中木二尺式上下射砲二中以上隨其分數加磨鍊上下○軍兵犒饋所用每名餅米一升酒米一升魚價米一升泡太一升蒸太三合式依他道例以元會付會減肉價錢五分式詳定中會減教鍊官哨隊鍊時則折半磨鍊○各邑赴操時諸將官都卜馬一匹座首所騎馬一匹定給各色軍物載持馬各邑教場各有遠近以爲計程會減○詳定用下極爲濫雜米布折價亦無恆式故各樣上下從貴磨鍊以致詳定不足之弊旣已改詳定

之後米布折價不可不酌定田稅三手糧大同米布折價依前施行詳定條則大米一石五兩田米稷米每一石各三兩小豆一石一兩六錢太每一石一兩五錢詳定布價報本廳折定凡需用量其用遺在之多寡或有錢不足之弊以穀物折下或有穀不足之弊以錢上下推移需用○各邑新舊官迎送刷馬則與尋常騎卜有異刷價每日特加五錢以二兩磨鍊隨其各邑程道計日上下新迎時留京糧米每匹米五斗式磨鍊加下至嶺東各邑嶺路甚難各樣刷價磨鍊有難強從式例其中

尤甚過濫者則略略減削而不爲太多者姑爲仍存依此施行轎軍各色他道所無特爲革罷○分院納木槽廣板長生殿納黃腸板羔鬚造紙署納砧木尚衣院納雉羽勅使時所用山猪毛道支介黃栢皮等輸價及京婢房子價依前卜定軍器寺陶罐卜定無有限節民弊莫甚此後每次毋過三十箇分定而定數外或有一箇加分定之事該寺官員入達論責○各樣分定輸納之際爲弊甚多道先生致賻都定於伊川府都事先生致賻都定於平康縣史庫修改所入隨其分定會減而曝曬

所入及收租案所入封裹雜物都定於江陵府備局所納虎皮方席一立價十兩都定於春川府白土軍都定於楊口縣載運船馬價以各邑元會付會減雉岳山祭所入及會計褒貶等封裹雜物價都定於原州牧東海廟祭物所入都定於襄陽府修改時雜物分定舉行新監司支裝都定於伊川杆城平康淮陽都事支裝都定於金城安峽各以價錢使之輪回輸送○莊陵改莎草及丁字閣修改時所入雜物中央祭祭物禮曹卜定別致祭祭物以元會付會減負持價則以詳定計程上下○

戶曹別卜定三甲所熟麻校書館黃楊木自作板勅使時生猪榛子山葡萄大圓盤等物俱有各該進排之貢物及雜物契則所當取用於貢人而隨事卜定於關東各邑故措備輸納之際所費不貲民弊甚多此後則三甲所熟麻取用於繕工監貢人黃楊木自作板取用於本館貢人生猪取用於司畜署元貢榛子山葡萄或以掌苑署貢物各種之遺在者換作取用或取用於雜物契大圓盤取用於三寺本道卜定之規永為革罷○軍器寺雕羽既有進排貢人又有他道所納則別為卜定於

關東各邑甚不當特爲革罷○黃腸板分定之邑如無可合材木斫取於他邑板材價本以詳定磨鍊移送於板材所出邑以爲會錄於詳定中○各邑新迎時支裝雜物價及吏曹堂叅價分等磨鍊原州春川江陵鐵原等四邑支裝價三十兩堂叅二十五兩寧越三陟淮陽伊川襄陽平海蔚珍杆城洪川橫城平康通川等十二邑支裝價二十五兩堂叅二十兩高城金化金城狼川楊口旌善等六邑支裝價二十兩堂叅十五兩平昌安峽麟蹄歙谷等四邑支裝價十五兩堂叅十兩解由作紙

州府則二十兩郡縣十四兩式定式○先生致賻以錢磨鍊道先生五十兩都事先生十兩爲定而勿爲分定各邑都定一邑而父母喪則減三分之一妻喪則減半以詳定會減負持一名計程上下邑先生賻儀自官廳備送負持一名貫價以詳定計程會減○各邑官喪賻儀雖出於民戶不可無一定之規已喪錢一百五十兩父母喪百二十兩妻喪比已喪半減以七十兩爲定依三南例喪出於任所則題給喪出於京第則并勿舉論○各樣陪持雜費量宜酌定朔膳進上藥材進上陪持各

禮文卷之五十四 第三十
定四十兩薦新進上陪持定以三十兩辛甘菜等
令陪持十五兩年分陪持十四兩束伍都案陪持
十兩忠翊衛領軍陪持八兩褒貶陪持五兩式上
下○分養馬一匹馬裝作紙木二疋三肌作紙木
半疋雜費錢一兩受來時雜費錢一兩式磨鍊勒
所價五錢牽夫糧米計程上下馬粥馬太以元會
付會減故失馬一匹贖錢六十兩內三十兩從邑
規上下三十兩養飼人處徵出令持納于該寺○
各邑戶籍紙與筆墨價一從帳籍多少磨鍊上下
價本之或出民戶者或出詳定者亦從邑規施行

毋論民結所捧與詳定所出京外雜費不可不酌
定京司上納時作紙木一疋代錢二兩油笔一浮
柳筭一部草席一立條所三十把勿以本色備納
合折價二兩以納而各色員役處雜費則大邑十
兩中邑八兩小邑六兩本道監營則大邑六兩中
邑四兩小邑三兩磨鍊○監試文科都會時支供
以該邑詳定會減至於科場所入筆墨紙地及易
書吏分定於列邑○今番釐正之舉一以重享上
事體一以除東民痼弊凡百磨鍊務從官民俱便
事目諸條中設有掣碍難便之端不稟 朝家而

擅自違越則守令施以當律道臣亦難免責○戶曹鷹連價布十五同十八疋零田米二十八石零卽倭人贈給條自京捧上其代以嶺南木區劃而倭供戶曹所管公木作米時每疋二斗以惠廳米充給今此詳定變通時鷹連價減給之代該曹不必推尋况本廳所捧減給之數甚多而又多諸般給代者則地部所減之自本廳又爲給代尤無意義此時經費亦不可不念元數內折半布七同三十四疋每二疋代田米一石式支計本田米十四石合二百六石毋論災減與否逐年移送

秋公

備堂時

奏曰嶺東詳定事目旣已啓下邑摠節目

今方釐正而其中史庫曝曬時布帛所入不知爲幾千尺其餘雜物亦無限節誠爲寒心今不必別爲磨鍊一從度支定例中江華史庫例施行 璿源錄曝曬時雜物度支定例亦不詳備此則參互史庫例量宜酌定似好矣 上曰不但關東他道一體依此爲之 璿源錄廳亦爲定例

戊寅夏

上曰蔡濟恭所陳者卿聞之乎公

惠堂時

奏

曰臣亦略聞之矣蓋江原道詳定之弊有所不足則動輒加定元無限節故向者釐正時從其一年最少

獲濟書卷之二
捧之數永爲定案使民曉然其所納之有常數也
而或錢或米各遵其邑之規又見其邑之大小而遞
減之且凶年則京納甚難故亦令罷之則亦不可謂
不便矣 上曰詳定外有戶捧乎公曰戶捧者本有
規式非加捧也 上曰以戶別捧自監營捧其曾所
不捧而然矣公曰似非別捧此亦蓼價所捧而伊川
則曾前必不報餘數故有餘者他邑則盡報餘數故
無餘者矣 上曰此則惠廳摠外矣必是當初不報
者也初若盡報則入於元數中矣公曰必是當初隱
而不報者也當更問蔡濟恭然後又問監營以是邑

總改定宜矣 上曰此卽詳定之後別捧者故營邑
有所餘而然矣公曰監營添補蓼價亦有惠廳定給
與曾前金尙星所作補蓼庫物合給蓼商間或監營
買得驛復戶而充數臣曾以 御供之不宜苟且仰
達請禁買驛復矣 上曰何爲而餘乎公曰蓼一兩
以六十兩定價必無餘者之可以私用矣蓋伊川蓼
納則小而京納則罷故自有所餘而送于監營補蓼
庫矣此亦詳定之餘者政如三南之畱置條也劃詳
定一結六斗作爲畱置條錄於惠廳蔡濟恭之所達
卽畱置不給之條有何加捧乎前此蔡濟恭以此請

得臣答曰伊川雖有畱置之餘他邑豈必盡然是誠難繼云矣 上曰然乎向來伊川倅李裕身題目曰伊水爲清誠是矣其前濫用可知矣公曰古者守令私用詳定所餘而今爲畱置條矣 上曰蔡濟恭謂蓼價每錢六兩云六兩果優乎公曰臣私或買蓼而幾至七兩六兩非優矣向時罷京上納二萬餘石而補縮條有六千餘兩矣監司韓光肇以其補縮條有所持難故其後劃給增加矣大抵江原道稅納極小稅不過四千餘石布不過四五十同誠悶矣 上曰補縮條盡許乎公曰頃者關東之物盡給蓼商矣

上曰昔者減蓼多矣公曰今則蓼甚不足決不可減而但內局先卜定難矣 上曰先卜定卽外上乎公曰一年十二月逐月捧上或至十月先捧十一月之所納及至十二月計減矣 上曰若至翌年則難矣予恐每月先捧次次引用則仍至翌年矣公曰先捧者不過當朔未受價而已翌月則計減且不過一年一次矣

夏左承旨蔡濟恭奏曰司饗院磁器所用大排板二立卜定於伊川府而板價以錢百兩磨鍊收聚民戶馱納磁器所者是邑規而考之詳定事目排板二立

初不載錄依事目不爲上納則係是 御供所用必致生事依邑規斂錢民戶則係是事目外加徵非所可論欲以詳定上下則惠廳又無見施之理守令實未知何以奉行方可得宜矣公惠堂奏曰司饗院木槽排板合爲二十四立云而詳定則只以二十立載錄此由於各邑漏報本院泛視之致矣蓋聞前規以價錢收納而一立價爲五十兩今雖不捧詳定所漏之板以二十立價一千兩足可推移用之而事關進上終難減數則已成之詳定勢將改之何以爲之乎上曰排板所用千兩足矣饗院豈不堪之乎不必加

取詳定所不載者自今年永爲革罷更勿卜定可也

夏公

惠堂

奏曰頃以關東蓼火結稅減給事既承

下教故臣以若干防給之資有所商量而自本廳直爲區處不無難便之端令道臣限四五千兩酌定磨鍊狀聞後自本廳更爲稟處似好矣 上曰可

秋公

均堂

奏曰甲戌關東詳定釐正時蓼結役之最

重處及烟戶錢之入於詳定者所當變通而以充代之爲難因其邑規而置之矣頃因左相金尙之建白

臣從當區劃稟定之意仰達而其所區劃頭緒多端矣惠廳兩南布子捧於民則與木相等而用於京則

舊唐書卷之三十三
比木爲半貢價上下元分數之外或以三疋用於米一石之代故輒歸於各處請得料理之資不然則久置庫中仍作鼠破今以百餘同移送均役廳使之充給於從前布給代之處計價送江原廳原廳年例劃來兩南米依三疋代一石米之規計數仍畱其所舉行之道各廳成節目遵行則事甚順便而本道量減之數亦足相當但本道上納之數甚少而亦無錢條不可不以均廳各樣上納錢取補此減給數又自本廳卽爲準報則京外俱便而東民之蒙惠實大謹當以此磨鍊矣 上曰成節目爲之可也

辛巳冬前東伯金孝大奏曰關東詳定行之幾十年別無弊端惟大小米價高重以歉歲之市價永定發賣實是行不得之政減定變通之後官民可以支堪矣 上曰大臣之意何如公領相對曰當初詳定時大米小米之定價非自京廳硬定一從本道舊規而爲之矣前道臣雖以民弊陳達而此非造次間變通矣 上曰消詳更稟翌年春公領相奏曰關東伯李最中狀啓備論本道大小米價減定事凡米價田稅則三疋半大同則六兩而今此詳定價一從本道通行前例酌定矣金孝大在本道時請其減價臣以爲

北關
詳定

海西詳定本價大米五兩五錢小米四兩五錢近來各減一兩關東大米五兩小米三兩如以隣境之地不可斑駁則當依海西爲之乎云則孝大以爲減於數少之大米加於數多之小米非減伊加云故置之矣今若許減於關東則海西必繼起其在嚴朝令定民志之道不可不牢守舊法矣 上曰然矣

壬午春

上問公曰北道往來有何可達事乎公

領相

時對曰

國家所以治民者卽軍田糴三政而北道

則此三政盡爲紊亂以言乎田則二去丙子後更不改量所收田稅及用下詳定錯雜莫甚以言乎軍則

所謂營邑假率軍官元額無定惟意加充所捧無常任意加徵以言乎糴則以穀計民不但無以半分雖四五年輪回無以盡分故生民困於還上舊還公然腐棄三事若不稍加釐正北關一路將無以收拾時道臣紆餘鍊達亦難得之機會依故相臣閱百祥關西之例使之卽爲釐正而道臣亦難獨自設施使備堂李彝章句管往復議于大臣以爲從長結梢之地至於田結則今年內雖一二邑先爲改量十數年之內期於次次盡量之意一體分付恐好矣 上曰當啓下節目耶公曰關西則自本道成節目以來此亦

當依此例爲之矣 上曰可越一月公領相奏曰北道詳定因臣所達令舊伯趙明鼎釐正又令備堂李彝章句管矣舊伯未離營前改成節目修報備局臣若干披見則大體似善成外方舉行者別無可議而自京舉行者必自備局查實處之然後可無掣碍之端趙明鼎既帶備堂與李彝章一體句管斯速勘完下送以爲趁今秋施行之地似好矣 上曰可癸未冬公領相奏曰向來臣以北道詳定及結役與軍官不可不釐正之意屢次陳稟矣本道道臣取一道所捧與需用之數依據故相臣閱鼎重爲道伯時節目

仍減磨鍊使其軍官持來以請廟堂指揮此是北關民命休戚所關也道臣想必盡心爲之而自備局極意更爲詳細定制一如關東改詳定之規然後可以永久遵行民國俱便該道勾管堂上洪啓禧便是北道主人使之主管釐正此等事亦宜關由於惠廳與常平廳矣該廳堂上李益輔亦一體句管以爲及時了當之地好矣 上曰可

癸未冬 上曰北道堂上進前以次達之北道堂上洪啓禧曰此司宰監大口條也中脯既有 特教永減其餘大口則臣以御史往本道時詳問曲折則本

是白民間收布監營料理防納矣 朝家嚴斷之後
本監又送差人捧價買納云監營別將與本監差人
直是換面耳若其徵索防納貽弊小民同矣北關直
納者外南關則自惠廳作貢略關狹減數加價使
之無弊進排似好 上曰可公領相奏曰中脯進排
之後未知需用果何如而聞其製樣與味品不合於
上供云果非緊需則越此時換作他物種似好矣
上曰此則欲爲下教而尙未果者永減啓禧曰此則
兩醫司藥材條也諸藥材未必盡有用處至於麝香
等材尤無意義矣公曰旣無所用則固當罷之而貢

人之一時失業亦可悶大抵兩醫司三南貢價幾爲
六七千石而其所進排則甚無多故自前已有當罷
之論矣及此時以此有餘補彼所失亦合均施之道
臣意則北道貢價勿爲上下以其元貢略略換作分
給俾無全失之患恐甚便好矣 上曰兩醫司北道
貢永減貢人則通融換作俾無稱冤啓禧曰尙衣院
各樣上納條中獬皮鼠皮紅花自監營封進者及紅
花雉羽以本世上納者外當使惠廳作貢進排矣
上曰某某名色耶啓禧曰獬皮鼠皮土豹皮羊毛及
紅花矣 上曰獬皮鼠皮永減可也公曰此是尙方

之納自有需用鼠皮之數雖少永罷似未安至於獬
皮 聖意既欲爲民除弊而特罷則以戶曹所在胡
獬皮之不爲緊需者代此數進排則似好矣 上曰
並永減獬皮代胡獬皮代入惠堂李益輔奏曰獬皮
既以戶曹所在代捧鼠皮等四種以本色進排而以
今番裁減條量宜作貢似好矣 上曰可鼠皮則減
之啓禱曰太常中脯大口等四種係是祭享所用者
有難輕議變改北關直貢之外並依本價京作貢似
好矣 上曰可公曰太常之中脯元貢甚多今此北
貢雖盡罷無妨而但貢人失此必爲稱冤之端雖減

元數略添其價以爲公私俱便之地好矣 上曰令
本寺闊狹可也啓禱曰宣惠廳牛黃價戶曹諸種布
義盈庫所納三種繕工監所納熟麻條以本色納者
無可論其中以價納者依他例作貢似好矣 上曰
可啓禱曰典牲署羊之本色納二口減之以價納九
口依他作貢好矣而所謂二口雖曰本色亦有次知
之貢人受食其作役價今若失此似或稱冤矣公曰
本色來之羊遠路牽來固其易斃而所謂九口雖自
京納同稱北貢混入弊頃事雖微細奸狀可痛今以
九口作貢曉然知非北產則可無斃頃之患二口則

卷三十一
牽上有弊特爲減罷以九口進排之價均給於十一口次知之貢人使之均應九口之貢役似好矣上曰二口則永減九口則使諸貢人通融舉行可也啓禧曰掌苑署生梨亦當依前進排數作貢乎公曰掌苑署生梨其數至於四千三百餘箇京貢雖未易論顧此外貢生梨不當過於進排之數似當詳問處之矣上曰量宜減定可也公曰北道詳定中原上納者一依稟定以價來納依他貢物例都納惠廳自惠廳磨鍊上下於各該司貢人處使之進排而前後下教中減罷條並屬之惠廳以爲添補於不足之數

似好矣又曰北道詳定今雖釐正民弊之大者莫如驛吏之無限冒屬也此若不查正則詳定無以久遵民力無以均排雖發關查問不但難於得實徒費時月了當無期前府使黃仁煥別差查正郎廳騎駟下送使之往探三驛吏案其餘可以釐正者議於道臣卽速上來爲好矣上曰可啓禧曰司宰監中脯旣伏承革罷之命此意已爲知委於本道而在前本監中脯用處問之則只用於嘉禮及支勅時而宴床之中脯旣罷則宴床以何物代用之意稟定然後可無臨時窘急之患矣公曰只爲稀罕之宴床置此許

後漢書卷之三
多之中脯畢竟無用而蕩減事甚不當今既革罷則
此後宴床折肉中中脯代以常乾脯用之而臨時別
質似好矣 上曰可甲申春公領相奏曰北道外貢
皆已都納司宰監大口纜又作貢而其中繕工納條
所太常納栢子之獨爲直納者非但事甚斑駁數亦
不多以今番惠廳餘布從長變通以爲均一釐正之
地似好矣 上曰可

咸鏡道各邑外貢都納常平廳節目

今此北道詳定釐正乃是丙午後中年勅行者而
其中外貢之分納各司大爲北民之弊自前已有

都納之議因循未遑迄未變通今者 聖念深軫
弊源上自薦新稷米以至尙方進御獬鼠皮軍器
寺內弓房進上甲冑黃毛及戶曹納歲幣布特爲
減罷而繼以有北道外貢都納惠廳之 教自此
北民可賴而積弊可祛都納事例列錄于下○本
道外貢分納各司之規革罷自甲申條爲始如義
盈庫納昆布多士麻常藿繕工納熟麻奉常寺納
栢子等以土貢直納者外其餘價布上納者并與
今番減罷物種價布而每年四月依諸大同上納
例都納宣惠廳如或愆期不納則該邑守令一依

大同例解由拘碍○各邑貢物中同一名色而價
布之不一者居多所當釐正而事極掣肘一
從丙午詳定毋論錢布依前上納○本道外貢既
已都納京廳上下固宜一遵前例施行自本廳就
啓下別單某衙門貢布五升幾疋四升幾疋續布
幾疋錢幾兩別作魚鱗冊子依三南例每年四月
前本道各邑貢布上納後六月內都下於戶曹及
各其司貢人○從前本道外貢分納時各司人情
雜費固有紀極今於都納之後不可無法式司饗
院朔膳人情減三十兩臘日則量減貢布上納時人情

一依諸道大同例每一同錢一兩五錢為定一即同

五升布言四升布續布隨其定價每百兩準以一同○本道貢價比三南極

甚淺薄則戶曹及各該司作紙磨鍊其數甚夥戶

曹作紙三分一裁減該司作紙五分一裁減○各

邑貢價之都納四五升布續布者寔由各邑布品

之不一故各司貢布或有四五升磨鍊處而此既

丙午詳定則京廳上下之際不可移易升品各其

邑貢布依大同例印某邑某布字號如日成興五

升布之類而六升以上及續布麥布各隨其稱以為憑考之地○年分比

總時本道給災并與他道而一體磨鍊則從前十

四邑貢物災減便是大同災此後本道貢物災減
一欸一并永爲防塞雖三南貢物裁減時外貢價
布旣已都納則此與元貢有異一依給代例減分
一欸勿爲舉論○本道歲幣布分定之規旣已革
罷其代以今番各貢減罷價布之畱在京廳者每
年五升布十同擇送戶曹○典牲署納羊十一口
內本色上來咸興一口文川德源并定一口旣革
本色之上納其代咸興五升布十疋文川德源五
升布各五疋分定其餘不足之數以本廳畱儲五
升布六十八疋添作二口京貢五邑輪定定平羊

價亦以五升布四十四疋爲定以爲十一口羊價
均一之地○尙衣院納羊毛薪紅花雉羽之從前
以本色上納者并依定奪以京廳畱儲布中一依
關東貢價例京貿進封○今番減罷物種價布雖
已都納惠廳至如稷米黃毛等以田米貿封者不
可一體上納此則依本道貢作米例作穀作布會
錄惠廳

御定洪翼靖公奏藁卷之二十七

